



FLETORJA ZYRTARE

E

REPUBLIKËS SË SHQIPËRISË

Botim i Qendrës së Publikimeve Zyrtare

Nr. 80

2003

Tetor

P Ë R M B A J T J A

Faqe

Akt normativ nr.3
Datë 19.9.2003

Për disa ndryshime në ligjin nr.8553, datë 25.11.1999 "Për
Policinë e Shtetit", ndryshuar me ligjet nr.8933, datë 25.7.2002
dhe nr.9089, datë 26.6.2003

3571

Deklaratë e Kuvendit të Shqipërisë, datë 1.9.2003

3572

A K T N O R M A T I V

Nr.3, datë 19.9.2003

PËR DISA NDRYSHIME NË LIGJIN NR.8553, DATË 25.11.1999 "PËR POLICINË E SHTETIT", NDRYSHUAR ME LIGJET NR.8933, DATË 25.7.2002 DHE NR.9089, DATË 26.6.2003

Në mbështetje të nenit 101 të Kushtetutës, me propozimin e Ministrit të Rendit Publik, Këshilli i Ministrave

V E N D O S I:

Në ligjin nr.8553, datë 25.11.1999 "Për Policinë e Shtetit", ndryshuar me ligjet nr.8933, datë 25.7.2002 dhe nr.9089, datë 26.6.2003, të bëhen ndryshimet si më poshtë vijojnë:

Neni 1

Në nenin 60/a të bëhen këto ndryshime:

a) Në pikën 1, fjalët "... forcat e Policisë së Rendit dhe të Policisë së Objekteve ...", zëvendësohen me "... Policia e Shtetit ...".

b) Pika 2 ndryshon si më poshtë vijon:

"2. Ndalohet përdorimi i forcave të ndërhyrjes së shpejtë dhe atyre speciale në ruajtjen e qendrave të votimit."

c) Në pikën 4, fjalët "... i forcave të Policisë së Rendit dhe të Policisë së Objekteve ..." zëvendësohen me "... i strukturave të Policisë së Shtetit ...".

Neni 2

Neni 60/c ndryshon si më poshtë vijon:

"Neni 60/c

"1. Punonjësit e Policisë së Shtetit, të ngarkuar për ruajtjen e qendrave të votimit, për shoqërimin e kutive të votimit dhe të materialeve të votimit nga qendra e votimit në KZZV ose KZQV, janë të detyruar të mbajnë armatimin personal, armë brezi dhe automatik.

2. Punonjësit e policisë, që ngarkohen me detyra gjatë zgjedhjeve, 24 orë para ditës së zgjedhjeve dhe ditën e zgjedhjeve, qëndrojnë brenda komisariatit ose në vende të dislokuara, larg qendrave të banuara. Qarkullimi i tyre brenda territorit zgjedhor bëhet vetëm me automjetet e policisë."

Neni 3

Në nenin 60/ç pas fjalës "... përcaktohen ..." shtohen fjalët "... dhe të sigurohen ...".

Neni 4

Ky akt normativ hyn në fuqi menjëherë.

KRYEMINISTRI
Fatos Nano

D E K L A R A T Ë

Kuvendi i Republikës së Shqipërisë u njoh me deklaratën e Kuvendit të Serbisë, e cila shprehet në mënyrë të njëanshme mbi statusin e ardhshëm të Kosovës, në suazën e Unionit Serbi Mali i Zi.

Kuvendi i Republikës së Shqipërisë e konsideron këtë Deklaratë si një kthim të rrezikshëm prapa, tek politikat e dështuara nacionaliste serbomadhe, të cilat çuan në procese të dhunshme gjatë shpërbërjes së Federatës Jugosllave në dekadën e fundit, duke rrezikuar seriozisht stabilitetin e të gjithë rajonit.

Kuvendi i Republikës së Shqipërisë gjykon se qëndrime të tilla, të ngritura mbi reminishenca të së kaluarës dhe mbi frymën e konfliktualitetit, përbëjnë një përpjekje për të ndërprerë dinamikën e procesit të dialogut, paqes, stabilitetit dhe sigurisë në rajon, që do të çonin drejt integritetit tërësor të tij në strukturat e Bashkimit Europian. Në këtë këndvështrim, Kuvendi vlerëson se deklarime të tilla juridikisht të pabaza nuk përkojnë me frymën e Rezolutës 1244 dhe me përpjekjet e mëdha të bashkësisë ndërkombëtare dhe UNMIK-ut në Kosovë.

Kuvendi i Republikës së Shqipërisë vlerëson se qëndrimet konstante të politikës euroatlantike për ardhmërinë e Kosovës janë të qarta dhe në zhvillim progresiv. Statusi i saj do të përcaktohet në funksion të ecurisë së proceseve dhe institucioneve demokratike atje, në frymën e bashkëjetesës etnike, të së drejtës së patjetërsueshme të vetëvendosjes së popujve, interesave të paqes dhe sigurisë në rajonin e Europës Juglindore. Ajo çka Kosova ka arritur me mbështetjen e fuqishme të komunitetit ndërkombëtar, është tashmë pjesë e një procesi të pakthyeshëm.

Kuvendi i Republikës së Shqipërisë fton Kuvendet e Serbisë dhe të Kosovës dhe institucionet e tjera që në një frymë realiste dhe integruese europiane, me ndërmjetësimin e SHBA-së dhe Bashkimit Europian të shtojnë përpjekjet e tyre për fillimin e dialogut në përputhje me frymën dhe axhendën e Samitit të Selanikut. Një gjë e tillë do të ishte në interes të paqes dhe sigurisë në rajon ashtu edhe të zgjidhjes përfundimtare të Statusit të Kosovës.

Kuvendi i Republikës së Shqipërisë rikonfirmon qëndrimet e tij të mëparshme dhe shpreh bindjen se bashkëpunimi i të gjithë faktorëve relevantë politikë në Kuvendin e Kosovës me UNMIK-un do të garantojë normalitetin institucional dhe respektimin e të gjithë etnive përbërëse të Kosovës.

Fletorja Zyrtare gjendet:

- në çdo njësi postare të çdo qyteti;
- pranë Qendrës së Publikimeve Zyrtare:
Rr. Qemal Stafa, pranë ndërtesës së Prokurorisë së Përgjithshme.

Pranë Qendrës së Publikimeve Zyrtare mund të gjeni:

Kodi Penal <i>Botim i Qendrës së Publikimeve Zyrtare</i> Mars, 2002	Kodi i Procedurës Penale <i>Botim i Qendrës së Publikimeve Zyrtare</i> Shtator, 2002	Kodi i Procedurës Civile <i>Botim i Qendrës së Publikimeve Zyrtare</i> Korrik, 2002	Kodi Civil <i>Botim i Qendrës së Publikimeve Zyrtare</i> Shtator, 2003	Kodi Rrugor <i>Botim i Qendrës së Publikimeve Zyrtare</i> Qershor, 2002
Kodi Penal Ushtarak <i>Botim i Qendrës së Publikimeve Zyrtare</i> Tetor, 2002	Përmbledhëse legjislacioni në fushën e Përmbarimit <i>Botim i Qendrës së Publikimeve Zyrtare</i> Tetor, 2002	Kodi i Familjes i Republikës së Shqipërisë <i>Botim i Qendrës së Publikimeve Zyrtare</i> Shtator, 2003	Kodi i Punës i Republikës së Shqipërisë <i>Botim i Qendrës së Publikimeve Zyrtare</i> Shtator, 2003	Kodi Zgjedhor i Republikës së Shqipërisë <i>Botim i Qendrës së Publikimeve Zyrtare</i> Shtator, 2003

Doli nga shtypi më 2.10.2003

Tirazhi: 4300 copë

Formati: 60x88/8

Shtypshkronja e Qendrës së Publikimeve Zyrtare
Tiranë, 2003

Çmimi: 50 lekë